



Inatsisartuni ilaasortaq
Naaja H. Nathanielsen

Urani aamma Lett'ip allakkiaa pillugu apeqqut nr. 182-imiittunut akissutit

Inatsisartut suleriaasianni § 37 naapertorlugu Naalakkersuisunut imatut
apeqqutilliisimavutit:

- 1) *Inatsisileritooqatigiit Lett, DCE aamma PwC uranisiorneq pillugu nalunaarusiaata inernilerneru Naalakkersuisut isumaqatigaat? Naalakkersuisut qinnuigivakka inerniliinermut isumaqatiginninngiffimminnut ataasiakkaanut nasuiaateqaqqullugit.*

Pingaernerutillugu nalunaarusiap inerniliineranut Naalakkersuisut isumaqataapput, tasani erseqqissarneqarluni "taamaalilluni nunanut allanut tunngasut pillugit namminersornermut inatsisip siulequtaani maleruagassaanilu malitsigisinneqarmat Naalakkersuisut Naalagaaffillu Kalaallit Nunaata aamma Kunngaqarfiup Danmarkip ataatsimoorusatusut soqutigisarisaanik isumannaarisaasut, isumaginnissasut siuarsaassasullu". Tamatumani saniatigut Lett'ip inerniliissutaasa aamma Naalakkersuisut namminneq allakkiaanni 13. september 2013-imeersumi inerniliissutit taperserpai. Allakkiaq maannakkut nutserneqarpoq, oqaatsillu tamaasa pigineqalerneratigut erninnaartumik nassiunneqassaaq.

- 2) *Danskit nunanut allanut naalakkersuisua nalunaaruteqarpoq, inatsisileritooqatigiit Lett-ikkut inerniliussaak akerleriit arlaata isummamik nalunaarnerattut isigalugu. Naalagaaffik inatsisileritooqatigiinnut akerliulluni inerniliivoq uranimik aatsitassarsiorneq tunisassiornerlu sillimaniarnermut politikimut tunngasuunerarlugu. Oktoberip arfineq pingajuat tikitsinnagu Naalakkersuisut Naalagaaffillu inatsisilerinikkut aaqqiagiinngissummut tassunga aaqqeereersimassappat?*

8. oktobari tikitsinnagu Danmarkilu isumaqatigiinngissuteqarnerup aaqqiissuteqarfiunissaa Naalakkersuisut naatsorsuutiginnilaat, aammali 8. oktobari tikitsinnagu aaqqiisoqarnissaq pisariaqartutut isiginagu, Kalaallit Nunaanni atortussiassanik aatsitassanik tamanik ujaasinissamut atuinissamullu akuersissutinik nalunaaruteqarnissamut Kalaallit Nunaata oqartussaasoqarfittut piginnaasaliunera pillugu Danmarkip aamma Kalaallit Nunaata akornanni isumaqatigiittoqarmat.

Piginnaasaqarnermut pissutsinut tunngatillugu aaqqiissutaasussat sinneri Kalaallit Nunaanni uranimik piakkamik avammut tunisaqalernissaq sioqqullugu aaqqiivigineqassaneri naatsorsuutigineqarput.

2. oktober 2013

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

- 3) *Sillimaniamissamut tunngasitsinerup tunngasitsinnginnerulluunniit ersarikkunnaarsitsinera Inatsisartut oqaluuserisassamut 106-imut suli-aqarnissaannut qanoq kinguneqassava? Allannngortitsinissaq ersarikkunnaarsisinneqarpa allannguinnissap kingunissaanut ataasiakkaanut? Taamaappat sorliit kingunissat pineqarpat?*

Kalaallit Nunaata aamma Danmarkip akornanni isumaqatigiittoqannginnera oqaluuserisassap 106-ip oqaluuserinissaanut tamanna annertoorsuarmik pingaaruteqanngitsop Naalakkersuisut isumaqarput. Pineqartoq tassaavoq tunngavigisassatut aalajangiussi-neq, suliaqarfimmi paasiniaanermik suliaqarnermik malitseqartussa, ilanngullugit isumaqatigiissutinik pisariaqartitanik isumaqatigiissuteqarnerit. Kalaallit Nunaata aamma Danmarkip akornanni suleqatigiinnissamik isumaqatigiissuteqarnikkut isumaqatigiinngissutitta ajornaatsumik aaqqiissutissamik nassaartoqarsinnaasoq naatsorsuutigineqarpoq.

- 4) *Danmarkip Nunattalu periutsit sorpiaat atorlugit isumaqatigiinngissut aaqqiiviginiarpaat? Naalagaaffeqatigiinnerup iluani saqitsaassutaasunik aaqqiissutaasinnaasut tamakkiisut nalunaarsornissaat kissaatigineqarpoq.*

Politikkikkut inissisimaffimmi ataatsimoorussamik aaqqiissutissamik nassaarniarluni oqaloqatigiinnerup nangeqqinnissaa isumaqatigiissutaavoq. Isumaqatigiinngissutit aaqqiivigineqarfianik suleqatigiinnissamik isumaqatigiissutissaq pillugu Danmarki aamma Kalaallit Nunaat isumaqatigiinniarput. Namminersornermut inatsimmi kapitali 4-mi ingerlassassat iluini tamanna pissaaq. Tamatuma saniatigut saqitsaassutaasup aaqqiiviginniffissaannik aalajangiisartunut apequtit saqqummiunnissaanut Namminersornermut inatsimmi § 19 naapertorlugu periarfissaqarpoq.

- 5) *Danmarkip Nunarput aatsitassanik qinngornernik ulorianartunik akulinnik aatsitassarsiorsinnaanerigalua pisortatigoortumik ajoqusersorsinnaavaa?*

Kalaallit Nunaanni atortussiassanik aatsitassanik tamanik ujaasinissamut atuinissamullu akuersissutinik nalunaaruteqarnissamut Kalaallit Nunaata oqartussaasoqarfittut piginnaasaliunera pillugu Danmarkip aamma Kalaallit Nunaata akornanni isumaqatigiippat. Aatsitassanik radiop qinngornilinnik piiaanissamik Danmarkip najoqqutassiassaateqarluni ajoqersuisinnaannginnera Naalakkersuisut naliliineraat.

- 6) *Naalakkersuisut siullittaasuata, Aleqa Hammondip oqaatiginikuuaa urani-siortoqalissagaluarpal tunisassiortoqalissagaluarpallu soorunami sillimaniarnermut illersornissamullu kinguneqartussaassasoq. Taakkulu Aleqa Hammondip Danmark peqatigalugu ersarissaaffiginiarpai. Taamatut oqarneq itisilerneqarsinnaava, soorlu suut kingunissat tigussaasut eqqarsaatigineqarnerisut.*

Qulaani pineqartutut Naalakkersuisut aamma Naalagaaffiup akornanni ataatsimiittuarnerit oqaluuserinnittuarnerillu pillugit naalagaaffeqatigiit 28.-29. augustimi naammassi-neqartumi, aammalu nunanut allanut ministerip Nuummur 13. septembarimi tikeraar-


neranut atatillugu tusagassiuutinut nalunaarutaareersunut naleqqiullugit piffissami matumani annertunerusumik paasissutissiisoqarsinnaanngilaq.

Taakkunani ilaatigut erseqqissarneqarpoq danskit tungaannit Kalaallit Nunaata aatsitasarsiorfiusumi tamakkiisumik pisinnaatitaaffeqarnera apeqqutilliivigineqarsinnaanngitsoq, taamaallaalli nunatsinnit uranimik atuisinnaanermut avammullu tunisinissamut Danmarkip sillimaniarnermut illersornissamullu suliassaqarfimmut piginnaaneranut qanoq annertutigisumik sunniuteqassaneranik paasisaqarnerup pilersinnissaanik pisari-aqartitsisoqartoq. Tamatumunnga ilanngullugu uranimik atuisinnaanermut avammullu tunisaqarsinnaanermut sillimaniarnermut illersornissamullu politikikkut tunngasortaanik Kalaallit Nunaata aamma Danmarkip oqaloqatigiittuarnissaata pingaaruteqassusaanik Naalakkersuisut isumaqataapput.

Apeqqut pingaaruteqarlunilu katitigaq, piffissami matumani isumaqatigiissutigineqarsinnaasimangitsoq tassaapput sillimaniarnermut illersornissamullu politikkip avataaniit-tuusussatut uranimut tunngatillugu nunanut allanut politikikkut piginnaaneqamissamut pissutsit atuussinnaasut apeqqutillu. Assersuutitut Naalakkersuisut soorunami qaqugumullunniit namminersornermut inatsimmi § 16-imut tunngatillugu pisussaaffigisaminnik naapertuutsitsiniarput.

Naalakkersuisut tungaannit erseqqissarneqassaaq tamakkununnga tunngasut Danmarkilu – aamma siunissamut tunngatillugu – ataatsimoorluta paasisaqarfigissagigut.

Inussiarnersumik inuulluaqqusillunga



Jens-Erik Kirkegaard